

484

QVÆSTIO MEDICA. CARDINALITIIS DISPVATIONIBVS MANE

AGITANDA IN SCHOLIS MEDICORVM. DIE IOVIS XVI. APRILIS

Magistro Georgio Cornuty Doctore Medico, moderatore prudentissimo.

An In lue venerea quævis vacuatio?

MXTVM corpus naturâ vel priuatione exanime, absque calore non consistit: Insunt semina flammæ abstrusa in venis silicis, & ca-
daverum ossibus. Quidquid viuit, natiuo augetur, roboratur, sanum est. Nec ea duntaxat quæ vita fruuntur, sed à viuentibus
orta, velut semen, vegeto calore perfunduntur. Vnum quodque quò perfectius, eò celerius, non suo putret: qui pro vario vir-
tutis robore, & hospitij discrimine, morbos longè diuersos gignit.

AM si in excremento seminali maris & foeminae lares focumque habeat dirus ille hospes vel potius hostis; è parua putredinis Ler-
na, suscitatur bellua multorum capitum, affectus ex venereo contactu multiplex: quippe in eo triplex morbi genus inest: Intem-
peries calida cum humore, morbus organicus, vt deformitas, morbus communis, vt vlcus: ex quo fit, vt à cognatione cum alijs,
ægrè deprehendi, cum serpere incipit, queat.

SED quâ rabie sæuit, faciliè post innotescit. Namque se, pilorum capitis & barbæ defluuio, pustularum circa frontem, ac tempora,
ponè que aures eruptione, capitis & artuum penitissimis doloribus, sub noctem ingrauescentibus, acerrimè profert. Nonnum-
quam vero, indelebilis macula rubra, sub cute antica thoracis erumpens, vel vlcus obscenarum partium abditum, conspicuum,
minerales ex arte aquas, versicolores hydrargyri cineres, & vnguenta Pharmacopœorum officinalia, ac Chirurgorum illita
linteola eludens, delitescens in intimis partibus Hydram arguit.

IN his omnibus seorsim, iudicium difficilè. Artuum vlcera formidabiliora, non deteriora. In pustulis, pilorumque defluuio, plus
verecundia, minus periculi, dolores capitis fixi, acerbi, exostoses, caries, destillationes à cerebro in subiectas partes nobiles, haud
procul absunt ab exitio. In viris rara venere vtentibus, glande non detectis, mollioribus cute, omnia grauiora, & in omnibus quò
diutius fermentata.

VENIENTI igitur morbo occurrendum, maturè prospiciendo ad ea quæ magis vrgent, vt sunt prægressa vlcera, tumores inguinum:
constanti gliscentiue, ex omnibus corporis regionibus vacuando, opitulandum. Ex prima, enematis & purgantibus pharmacis:
Ex secunda, phlebotomia. Ex tertia, tenues in vitio humores, hidroticis secernuntur, euaporantur. Lenti & cunctantes hu-
mores, litu, emplastris, raro salutaribus suffimentis hydrargyro medicatis, saluatione vel diarrhœa, foras vna cum morbo,
accedente victu calorem contemperante, protruduntur.

Ergo in lue venerea quævis vacuatio.



Afferebat Lutetiæ IOANNES MAVNOIR Romorantinus. A. R. S. M. DC. XIV.